

**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

xxxviii [i.e. xix]. Phantasia est potentia materialis cognoscitiva  
objectoru[m] o[m]niu[m] sensuu[m] ipsaru[m]q[ue] se[n]sationu[m].

---

[urn:nbn:de:hbz:466:1-71607](#)

saporis est corpus sapidum, id est siccum siccitate terrestri, à calore concoctum, ab humido aquo liquefactibile, ac per hoc in hoc humido diffusivum saporis: hi liquores sapidi contrahunt saporem per hoc, quod in humido aquo liquefactum sit aliquid siccum terreum; immo sunt ipsum humidum, in quo liquefactum est tale corpus; adeoque causa materialis saporis.

XVIII. TACTVS organum diffusum est per totum viventis corpus. Objectum illius sunt qualitates tangibles, quales primò sunt calor, frigus, humiditas, siccitas; secundò durities, mollities, asperitas lœvitas; tertio qualitates quædam doloriferæ, aliæque in-nominatae, ortæ ex convulsione vel compressione partium animalis; quartò impulsus.

XIX. PHANTASIA est potentia materialis cognoscitiva, ordinata ad percipienda objecta omnium sensuum exteriorum ipsasque sensaciones; unde & sensus communis dicitur. Reunus est hic sensus internus; etsi enim unâ cerebri parte lœsâ impediatur in ordine ad aliquas operationes v. g. rememorationes; & non in ordine ad alias v. g. imaginationes ob-

q

jecto-

jectorum præsentium, non arguit id tamen diversas cerebri partes, distinctorum sensuum internorum, memoriarum nempe sensitivæ, æstimativæ, & lensus communis, diversa esse organa, sed ideo id accidit, quod in una parte copiosiores spiritus, major siccitas, meliores dispositiones necessariæ magis sint ad has, quam alias operationes, adeoque hac dispositionum copia, in tali parte diminutâ vel turbatâ, redditur anima ineptior ad tales, quam alias actiones. Officio multiplex est: quatenus cognoscit objecta sensuum externorum præsentia, dicitur sensus communis: quatenus conservat species sensibiles, perque eas cognoscit objecta absentia prius cognita, dicitur memoria sensitiva: quatenus cognoscit objecta alias nunquam cognita ad similitudinem quandoque cognitorum, dicitur imaginativa: quatenus disjungit, combinative objecta contra quod naturaliter dividi, aut combinari possunt dicitur phantasnia: quatenus cognoscit objecta sub ratione quadam insensata convenientiæ vel inconvenientiæ v. g. dum ovis hanc herbam apprehendit sibi ad pastum salutarem, dicitur æstimativa. Datur hic sensus

sus non tantum in hominibus, ut colligere  
est ex eo, quod nimio studio doleat caput,  
impediatur concoctio, quod non fieret, nisi  
una cum intellectu semper operaretur phan-  
tasia, immediate ab organo corporeo, spiritibus  
vitalibus & animalibus dependens, quibus  
absumptis laeditur caput: sed etiam in brutis;  
dum enim canis videt baculum, fugit, quia me-  
minit alterius baculi & per illum causati do-  
loris & sensationis, quae sensibus externis ad-  
scribi nequeunt, utpote per quos non perci-  
pitur sensatio ipsa v.g. per Visum visio, per Ta-  
ctum tactio; licet enim in ratione actus pro-  
portionata sit sensatio sensui externo, est ta-  
men ei in ratione objecti improportionata.  
Organum illius in animalibus perfectis est  
cerebrum secundum substantiam suam, vel  
secundum partes solidiores, membranas, venas,  
fibras &c. in sententia negantiū, ipsam cere-  
bri substantiam esse animatā; ex nimia enim  
contentione dolet caput, non cor, deliranti-  
bus adhibetur medicina in cerebro, non in  
corde. In brutis imperfectiōibus est quid a-  
liud vices cerebri supplens. Objectum illius  
adæquatū sunt omnia objecta sensuū exter-  
norū eorumq̄e actus, ut patet in somniis,

tibus; actus item proprii, supra quos saltem imperfectè se poterit reflectere; objecta quoquè quædam alia à sensibus externis intensata v. g. ratio convenientiæ vel disconvenientiæ, proportio colorum &c. quorum species probabilius infunduntur brutis ab auctore naturæ, utpote necessariæ ad conservacionem vitæ & propagationem generis.

XX. APPETITUS SENSITIVUS est potentia vitalis, materialis, quæ affectivè fertur in objecta tantum per sensationem externalam & internalam cognita. Datur in omni animante; & sicut in homine est duplex cognitio, sensitiva & intellectiva, sic in eodem est duplex appetitus sensitivus & rationalis, quorum prior sæpe contra rationis advertentiam & præscriptum, citraqùe omnem voluntatis & appetitus rationalis consensum fertur in objecta sensibilia; Appetitus hic sensitivus re unicus est, officio multiplex; aliis enim dicitur concupiscibilis, pro ut fertur in bonum secundum se, sive illud sit arduum, sive non; & hujus actus sunt sperare absens, gaudere de præsente, dolere de absente. Dicitur irascibilis, pro ut fertur in bonum arduum ut arduum, vindicativè tollendo impedimenta ad fruen-